

## II. ERANSKINA: COVID-19a dela eta, nerabeen aisia- hezitzaileko jarduera egokitzeko plana

Dokumentu honek Astigarragako Udalak 2020-21 ikasturtean, bertako Gaztelekuaren aisi-hezitzaileko jarduera garatzeko egin duen egokitzapen-plana jasotzen du. Dokumentuaren hartzaileak egitasmo horietako parte-hartzaileak eta beraien legezko tutoreak dira.

Egokitzapen plan honetan, Gaztematikak atera duen “COVID-19aren TESTUINGURUAN GAZTEMATIKA SAREAREN FUNTZIONAMENDURAKO JARRAIBIDEAK” txostenean agertzen diren gomendio eta baldintzak kontutan hartzen dira. Txosten honetan aipatzen denez, hiru agertoki egon daitezke:

1. Normaltasuna: Instalazioaren erabilera ahalbidetzen du, nahiz eta segurtasun neurriak jarraituko diren.
2. Tartekoa: Ezin izango da instalazioa erabili, baina bai ordea ingurune zabala. Honetaz gain ingurune birtuala ere erabiliko da.
3. Konfinamendua: On-lineko funtzionamendua gailenduko da.

Jardueraren datuak honako hauek dira:

Lekua: Astigarraga herria eta Gaztelekua  
Data: 2021eko ekaina eta uztaila  
Ikasturtea: 2020-2021 ikasturtea

### COVID-19A DELA-ETA, NERABEEN AISIA-HEZITZAILEKO JARDUERA EGOKITZEKO PLANA

- Egokitzapen-plan bat diseinatu da, jarraian adierazten diren alderdiak kontuan hartuta.

### NEURRIAK

#### 1. Kutsapenaren kontrola eta prebentzioa

- Parte-hartzaileek eta beren legezko tutoreek beregain hartuko dute COVID-19aren aurrean duten egoeraren erantzukizuna; hala, Gaztelekuaren jardueran parte hartu duen erabiltzailearen batek COVID-19arekin lotutako sintomak baditu, ez da Gaztelekuara joango eta arduradunarekin harremanetan jarriko da (Udal teknikaria, koordinatzailea, hezitzailea, etab.), hau da, **690010823** telefono-zenbakira deituz edo [asti.gaztelokala@gmail.com](mailto:asti.gaztelokala@gmail.com) helbide elektronikora idatziz.

- Gaztelekuaren jardueraren arduradunak bertako segurtasunaz arduratuko dira. Instalazioen sarreran osasun-adierazpena jarrita dago eta agindutako segurtasun-protokolo eta neurri guztiak beteko dira, besteak beste:

1. Parte-hartzaile bakoitzaren erantzunkizunpeko adierazpena izatea,

arrisku-talde batekoa ez dela eta bere bizikideen artean arrisku-talde bateko inor ez dagoela ziurtatuz.

2. Parte-hartzaile bakoitzaren konpromisoa izatea COVID-19rekin lotutako sintomatologia badu ez duela Gaztelekuko jardueran parte hartuko eta arduradunarekin (Udal teknikaria, koordinatzailea, hezitzailea, etab.) harremanetan jarriko dela informatzeko (mugikorraren edo beste bitartekoren baten bidez).
  3. Parte-hartzaile bakoitzak sinatutako baimen informatua izatea.
  4. Egoera sanitarioengatik, pertsonalengatik edo sozioekonomikoengatik arriskuan dauden pertsonak parte hartzeko bete behar diren baldintzei buruzko informazioa emana izatea. Jarduera egiten den instalazioan, kartelak eta informazio-orriak egongo dira, segurtasun-portaera eta distantzia egokiak, higiene-neurriak eta abar gogorarazteko.
- Egunero instalazioa aireztatzeko momentuak egongo dira eta egunero, itxi aurretik material guztiaren desinfekzioa egingo da.

## **2. Derrigorrezko higiene eta prebentzio-neurri pertsonalak betetzea**

- Erabiltzaileak Gaztelekuaren sarrerran dagoen datuen fitxa bete beharko du etortzen den egun bakoitzean instalazioetara sartu ahal izateko.
- Erabiltzaileari Gaztelekura sartzean tenperatura hartuko zaio.
- Erabiltzaileek Gaztelekura sartzean eta bertatik irtetean eskuak garbituko dituzte.
- Erabiltzaileek honako hauek izango dituzte eskura instalazioaren sarreran, komunetan eta jarduera espazioetan: ura, xaboia eta eskuak lehertzeko papera edota gel hidroalkoholikoak.
- Musukoa nahitaez erabili beharko da, nahiz eta nerabeak 1,5 metroko pertsonen arteko distantzia gorde.
- Erabiltzaile bakoitzak bere musukoa eraman behar du. Hala ere, Gaztelekuan erreserbako maskarak egongo dira, norberarena galdu, hautsi edo antzeko zerbait gertatuz gero ordezkatu ahal izateko.

## **3. Arrisku-taldeen eta sozialki desabantailak dituztenen babesa**

- Gaztelekuko jardueran parte hartu aurretik, guraso edo tutoreek arrisku-taldeetako kideen (diabetesa, gaixotasun kardiobaskularra, hipertentsioa, biriketako gaixotasun kronikoa, immunoeskasia, tratamendu aktiboan dagoen minbizia, haurdun dauden emakumeak, 60 urtetik gorakoak) edo halakoekin bizi direnen parte-hartzeari buruzko balorazioa egingo dute eta hezitzaileekin kontaktuan egongo dira.
- Arreta berezia eskainiko zaie parte hartzeko aukerak urrituta dituztenei (arrisku-taldeak, gizarte-desabantailako egoeran daudenak, dibertsitate funtzionala edo intelektuala duten pertsonak), eta laguntza-hezitzaileak edo berariazko hezitzaileak jarriko zaizkie.

#### **4. Jardueretarako izen-ematea**

- Astigarragako Gaztelekuak antolatzen dituen irteera edota jarduera berezietan izen-ematea on line egingo da, Astigarragako Udalaren webgunearen bitartez, eta Gaztelekuko sare sozialen bitartez. Beharrezkoa den dokumentazioa webgune horretara igoko da, edota posta elektronikoz bidaliko da.
- Hala ere, ikasturte honetan nerabe guztiek Gaztelekura lehen aldiz sartzerakoan, izen-emate orria eta Gaztematikako IV.eranskina sinatu behar dituzte.

#### **5. Aurrez aurreko jarduerak egokitzea eta berrantolatzea**

- Aire zabaleko jarduerak lehenetsiko dira.
- Jarduerak egiteko orduan, lehenetsia emango zaie prebentzioko eta pertsonen arteko gizarte-distantziako neurriak betetzea ahalbidetzen duten jarduerari. Etengabeko kontaktu fisikoa eskatzen duten jarduerak egitea saihestuko da.
- Gazteen aisia hezitzaileko jarduerak parte-hartzaileen arteko harreman fisikoa nahitaez eskatzen duten arren, hau mugatu egingo da. Horregatik, ahal den neurrian, pertsonen arteko 1,5 metroko segurtasun-distantzia errespetatuko da; maskarak erabiliko dira osasun-agintarien indarreko gomendioek ezarritako baldintzetan.
- Instalazioaren barruan egiten diren jardueretan 1,5 metroko segurtasun distantzia mantenduko da, honetarako gune bakoitzean barne arautegi txiki bat egongo da.
- Jardueraren ardura duen erakundea udalerriko beste agente baliokide batzuekin koordinatuko da, pilaketak saihesteko, bai eta agintari eskudunekin ere, espazio publikoak modu ordenatu eta seguruan erabiltzeko.

#### **6. Hezitzaileak, jarduera-taldearen arduradun gisa**

- Hezitzaileak prestakuntza espezifiko eta eguneratua jaso dute COVID-19ari buruz, ezartzen ari diren neurri eta protokolo espezifikoari buruz eta laneko arriskuen prebentzioari buruz, dagokion osasun-agintaritzak ezarritakoarekin bat etorriz.
- Hezitzaileak egunean egongo dira Osasun Sailak eta Astigarragako Udaletxeak markatzen dituzten irizpideekin. Beharrezko kasuetan familia eta nerabeekin ere harreman zuzena izango dute.

#### **7. Jarduera garatzeko baldintzak**

##### **• Gaztelekuaren jardueraren aurreko informazioa eta komunikazioa**

Gaztelekuak informazio hau emango die parte-hartzaileei eta gurasoei edo legezko tutoreei. Honetarako guraso eta nerabeekin bilera informatiboak antolatu dira.

- Gaztelekuaren jarduera egiten den bitartean higie eta segurtasun-arloan hartuko diren prebentzio-neurrien dokumentu argigarria burutu da.
- Gaztelekuaren jarduera COVID-19ra egokitzeko dokumentu bat osatu da.

- **Gaztelekuaren Jarduera garatzen den bitartean:**

- Jardueraren arduradunek segurtasuna zainduko dute, instalazioetan sartzean osasun-adierazpena eginez eta ezarritako segurtasun-protokolo eta arau guztiak behar bezala betez.
- Hezitzaileak ezarri diren prebentzio-neurriak gogoratuko ditu, eta gainerakoen onerako eta segurtasunerako bete daitezela eskatuko du (segurtasun-distantzia mantentzea, musukoa erabiltzea, eskuak maiz garbitzea,...); eta instalazioak nola erabili ere adieraziko du (adibidez, gelak, komunak... hala badagokio).
- Kontaktu fisikoa eskatzen duten agurtzeko moduak saihestuko dira.
- Materiala ez da partekatuko parte-hartzaileen artean, ezta hezitzaileekin ere. Partekatzen denean, erabilera bakoitzaren ondoren behar den desinfekzioa burutuko da.
- Instalazioaren barruan ezingo da jan.

- **Jarduera amaitzean**

- Erabilitako babes-materialak (maskarak), erabilera bakarrekoak baldin badaira, behar bezala botako dira.
- Harreman pertsonala ahalik eta gehien murriztuko da jardueraren osteko kudeaketetan, komunikazio telematikoa sustatuz.

## **8. Parte-hartzaile, hezitzaile eta profesionalentzako oinarrizko segurtasun eta higiene ekipamenduak**

- Jardueraren ardura duen erakundeak bere instalazioetan, ireki aurretik, behar beste oinarrizko higiene-ekipamendu hornitzen direla ziurtatuko du, erabiltzaileek eta langileek erabil ditzaten.

- **Erreserbako materialak:**

- Gaztelekuak erabilera orokorreko ordezeko maskarak izan beharko ditu parte-hartzaileentzat eta haien hezitzaileentzat.
- Gaztelekuak garbiketa-materialaren hornidura nahikoa izan beharko du, egunero higienizazio lanak egin ahal izateko.